

GJALDSKRÁ

fyrir sorphirðu og móttöku úrgangs í Sveitarfélaginu Skagaströnd.

1. gr.

Sveitarstjórn Sveitarfélagsins Skagastrandar ákveður árlegt sorphirðu- og sorpeyðingargjald á fasteignir svo og gjöld fyrir móttöku sorps í endurvinnslustöð.

2. gr.

Heimilt er að leggja gjald á hverja fasteign eftir eðli hennar og notkun; íbúðir, sumarhús, gripahús og atvinnuhúsnæði í sveitarfélaginu. Gjaldið er lagt á og innheimt með fasteignagjöldum eða á annan hátt eftir því sem við verður komið.

3. gr.

Sorphirðu- og sorpeyðingargjöld á fasteignir eru:

- a) Sorphirðugjald 34.690 kr./íbúð.
Innifalið í gjaldinu er reglubundin sorphirða frá heimilum þar með talin losun endurvinnslutunnu hjá þeim sem kjósa að nýta sér þann valkost.
- b) Sorpeyðingargjald 10.920 kr./íbúð eða sumarhús.
Innifalið í gjaldinu er eyðing almenns heimilissorps og móttaka og eyðing sorps frá heimilum sem berst á endurvinnslustöð.
- c) Sorpeyðingargjald á hesthús og fjárhús 3.860 kr./hús í notkun.
Innifalið í gjaldinu er eyðing úrgangs frá peningshúsum.

4. gr.

Gjaldskrá endurvinnslustöðvar á Skagaströnd

Á endurvinnslustöðinni á Skagaströnd greiða þeir sem koma með úrgang samkvæmt eftirfarandi töflu:

Stærð farms	0,25 (1/4) m ³	0,50 (1/2) m ³	0,75(3/4) m ³	1 m ³
Gjald	1.000 kr.	2.000 kr.	3.000 kr.	4.000 kr.

Stærri farmar skulu reiknaðir út frá rúmmáli samkvæmt töflunni hér að ofan. Ekki er tekið við stærri förmum er 5 m³ á endurvinnslustöðinni.

- a) Ekki er tekið neitt gjald fyrir móttöku á flokkuðum úrgangi sem ber úrvinnslugjald, þar má nefna: Pappaumbúðir, plastumbúðir, hjólbarða, heyrulluplast, ýmis spilliefni og úrelt ökutæki.
- b) Íbúar þurfa ekki að greiða móttökugjöld fyrir úrgang sem tengdur er venjulegum heimilisrekstri í endurvinnslustöðinni, sbr. b. lið 3. gr. þessarar gjaldskrár.

5. gr.

Starfsmaður endurvinnslustöðvar ákveður, að fenginni lýsingu úrgangshafa, í hvaða flokk úrgangur fellur skv. gjaldskránni. Flutningsaðili á úrgangi á móttökustað ábyrgist greiðslu gjalda skv. gjaldskrá eða gerir grein fyrir með óyggjandi hætti hver sé ábyrgur greiðandi vegna farmsins.

Starfsmaður endurvinnslustöðvar leggur sömuleiðis mat á stærð farms með mælingum og útreikningum. Hann getur einnig tekið á móti staðgreiðslu fyrir hverja afgreiðslu.

6. gr.

Sveitarfélaginu er heimilt að gera sérstakan samning um móttöku úrgangs og aðra þjónustupætti og fela samningsaðila að annast innheimtu skv. gjaldskránni.

7. gr.

Verði vanskil á greiðslu gjalda samkvæmt gjaldskrá þessari er hægt að innheimta gjöld með fjárnámi hjá úrgangshafa án undangengis dóm, sbr. lokamálslið 4. mgr. 11. gr. laga um meðhöndlun úrgangs nr. 55/2003 með síðari breytingum, sbr. 1. gr. laga um aðför nr. 90/1989. Gjöld sem lögð eru á fasteignir eru tryggð með lögveðsrétti í viðkomandi fasteign í allt að tvö ár eftir gjalddaga, sbr. lokamálslið 25. gr. laga um hollustuhætti og mengunarvarnir nr. 7/1998 með síðari breytingum.

8. gr.

Gjaldskrá þessi, sem samin er af sveitarstjórn Sveitarfélagsins Skagastrandar með vísan í 25. gr. laga nr. 7/1998 um hollustuhætti og mengunarvarnir var samþykkt á fundi sveitarstjórnar 15. apríl 2015 og staðfest af Heilbrigðiseftirliti Norðurlands vestra 29. apríl 2015. Gjaldskráin öðlast þegar gildi og fellur fyrri gjaldskrá sama efnis nr. 240/2011 þá jafnframt úr gildi.

Sveitarstjórn er heimilt að hækka gjaldskrána árlega í samræmi við breytingar á neysluvísitölu án þess að sú breyting sé auglýst sérstaklega í B-deild Stjórnartíðinda.

Skagaströnd, 21. maí 2015.

Magnús B. Jónsson sveitarstjóri.

B-deild – Útgáfud.: 5. júní 2015